

Woe sunte Birgitte sprickt in wat wyse god de
here er gaf de regelen Dat y capittel

God aller dinge eyn schepper. de open-
barde my vnwerdigen persone mit sy-
neme egene benedyeten munte alle de
worde der regelen. also wonderlike vñ
in so korter tyd. dat ick dat nemante
kan seggen. ock en is dat nemante moghelic to be-
grypēde ane listlike lykenisse. wodane wys dat so ve-
le worde in so korter tyd mochten werden ghespro-
ken. vñ ock werden begreppē. men in desser lykenis-
se so mach men dat vornemē Alze est eyn vele edde-
les dinges hadde tosamente in eyneme vate. vnde
worde to samente vth deme vate ghegoren. vñ dat
worde van ichteswelkeme gheseen. vñ dat eyne dick
worde in eineme ogenwanke vor eme van deme an-
deren vndergheden. vñ de dinge bleue so lange vor
eme. dat he eyn unvelick dinct vor syt mochte sam-
melen in synen schoet. in sodaner wyse also drate al-
se syt Ihesus cristus my hadde gheopbarer. vnde
hadde gheopenit syne ghebenedyeten lippen. vñ be-
ghunde tosprekende snellike in eynre korten tyd So
werē alle de artikelen der regelen mit allen worden de
dar inne synt vor my. mē nicht in ichteswelke schryf-
ten Auer vorwar in wat wyse dat bekent de allene
van weme de dinge so wonderliker wys worden ge-
hoert. vntē vā syner wonderliken doghet mochte se
werden begrepen. vñ eyn unvelick van deme an-
deren in mineme synne worde vnderghede. vñ dar na